

Reykjavík, 28. febrúar 2014

Ársuppgjör Nýherja hf. fyrir árið 2013

Helstu upplýsingar

- Virðisýrnnun viðskiptavildar 1.202 mkr, einkum vegna tapreksturs í Danmörku
- Heildartap ársins nam 1.608 mkr
- EBITDA nam 230 mkr árið 2013 samanborið við 481 mkr árið 2012
- EBITDA án einskiptiskostnaðar nam 371 mkr samanborið við 481 mkr árið á undan
- Handbært fé frá rekstri nam 561 mkr samanborið við 237 mkr árið 2012
- Vaxandi eftirspurn eftir tækni- og rekstrarþjónustu hjá Nýherja hf. á árinu
- Góð afkoma og horfur hjá innlendum dótturfélögum
- Jákvæður viðsnúningur hjá Applicon AB í Svíþjóð og Applicon A/S í Danmörku sett í söluferli

Finnur Oddsson, forstjóri:

„Innlend starfsemi Nýherjasamstæðunnar gekk ágætlega á árinu 2013 en Nýherji, Applicon og TM Software skila öll jákvæðri afkomu. Rekstur innlendra dótturfélaga hefur gengið vel og horfur framundan mjög góðar. Rekstur Nýherjasamstæðunnar á erlendum vettvangi var hins vegar þungur á síðasta ári, einkum hjá Applicon A/S í Danmörku, sem skýrir að langstærstum hluta tap samstæðunnar á árinu.

Viðvarandi tap hefur verið af rekstri Applicon A/S undanfarin ár og af þeim sökum hefur viðskiptavild vegna félagsins verið skrifuð niður um 1.100 mkr á árinu. Applicon A/S er nú í söluferli og Dansupport A/S í Danmörku var selt í lok árs, en lítil sem engin samlegð hefur verið milli reksturs í Danmörku og á Íslandi. Báðar þessar aðgerðir eru í takti við nýja stefnu Nýherjasamstæðunnar og aðgerðaáætlun, þar sem megináhersla er lögð á að einfalda starfsemi, bæta afkomu og styrkja stöðu félagsins.

Þetta uppgjör markar ákveðin þáttaskil hjá samstæðu Nýherja. Við horfum nú til tækifæranna sem felast í því að nýta okkur sterka stöðu á markaði og mjög samkeppnishæft vöru- og lausnaframboð til að þjónusta stóran hóp öflugra viðskiptavina. Að sama skapi væntum við áframhaldandi vaxtar erlendra tekna vegna sölu hugbúnaðarlausna sem þróaðar eru af dótturfélögum Nýherja, einkum TM Software.“

Rekstrarreikningur: Tekjusamdráttur í Danmörku

Ársyfirlit - Lykiltölur		
Í milljónum ISK	2013	2012
Seldar vörur og þjónusta	13.129	14.182
Vörunotkun og kostn.verð seldrar þjónustu...	(10.461)	(11.272)
Framlegð	2.668	2.910
Rekstrarkostnaður	(2.807)	(2.690)
Virðisrýrnun viðskiptavildar	(1.202)	(92)
(Tap) hagnaður fyrir fjármunatekjur og fjármagnsgjöld	(1.341)	128
Hrein fjármagnsgjöld	(223)	(218)
Tap fyrir tekjuskatt	(1.564)	(90)
Tekjuskattur	(49)	198
(Tap) hagnaður ársins	(1.613)	108
Rekstrarliðir færðir beint á eigið fé	5	3
(Heildartap) hagnaður ársins	(1.608)	111
EBITDA	230	481

- Sala á vöru og þjónustu nam 13.129 mkr árið 2013 samanborið við 14.182 mkr árið 2012 og lækkar um 1.053 mkr. Meginskýring liggur í verulegum tekjusamdrætti hjá Applicon A/S í Danmörku
- EBITDA nam 230 mkr árið 2013 samanborið við 481 mkr árið 2012
- EBITDA árið 2013 án einskiptiskostnaðar var 371 mkr
- Heildartap ársins 2013 nam 1.608 mkr samanborið við 111 mkr hagnað árið 2012
- Gjaldfærsla vegna virðisrýrnunar viðskiptavildar nam 1.202 mkr árið 2013

Efnahagsreikningur: Mikil áhrif virðisrýrnunar

Efnahagsreikningur 31.12.2013 - Lykiltölur		
Í milljónum ISK	2013	2012
Fastafjármunir	3.049	4.537
Veltufjármunir	2.982	3.562
Eignir samtals	6.031	8.099
Eigið fé	665	2.293
Langtímaskuldir	2.090	2.773
Skammtímaskuldir	3.276	3.032
Eigið fé og skuldir samtals	6.031	8.099
Veltufjárhlutfall	0,91	1,17
Eiginfjárhlutfall	11,0%	28,3%

- Lækkun fastafjármuna um 1.488 mkr frá fyrra ári stafar einkum af lækkun óefnislegra eigna vegna niðurfærslu viðskiptavildar árið 2013
- Veltufjármunir lækka á milli ára vegna lækkunar birgða um 285 mkr og viðskiptakrafna og annarra skammtímakrafna um 529 mkr, að hluta til vegna sölu á Dansupport A/S
- Veltufjárhlutfall var 0,91 þann 31.12.2013 en var 1,17 á sama tíma árið 2012
- Eiginfjárhlutfall lækkar frá fyrra ári úr 28,3% í 11,0%

Sjóðstreymi: Handbært fé frá rekstri eykst

Sjóðstreymi - Lykiltölur		
Í milljónum ISK	2013 1.1-31.12	2012 1.1-31.12
Handbært fé frá rekstri	561	237
Fjárfestingahreyfingar.....	(268)	(304)
Fjármögnunarhreyfingar.....	(50)	(42)
Lækkun á handbæru fé.....	243	(110)
Áhrif gengisbreytinga á handbært fé	(10)	12
Handbært fé í ársbyrjun	218	316
Handbært fé í lok tímabilsins	451	218

- Handbært fé frá rekstri var 561 mkr árið 2013 samanborið við 237 mkr árið 2012
- Handbært fé í lok árs 2013 nam 451 mkr samanborið við 218 mkr í lok árs 2012

Rekstrarniðurstaða á fjórða ársfjórðungi 2013

Ársfjórðungsyfirlit - Lykiltölur						
Í milljónum ISK	F4 2013	F3 2013	F2 2013	F1 2013	F4 2012	F3 2012
Seldar vörur og þjónusta	3.715	2.897	3.323	3.195	3.622	3.068
Vörunotkun og kostn.verð seldrar þjónustu	(2.991)	(2.275)	(2.617)	(2.578)	(2.893)	(2.359)
Framlegð	724	622	705	617	729	709
Rekstrarkostnaður	(804)	(643)	(663)	(697)	(658)	(652)
Virðisrýrnun viðskiptavildar	(367)	0	(835)	0	(92)	0
(Tap) hagnaður fyrir fjármunatekjur og fjármagnsgjöld	(447)	(21)	(792)	(80)	(21)	56
Hrein fjármagnsgjöld	(1)	(64)	(79)	(80)	(63)	(48)
(Tap) hagnaður fyrir tekjuskatt	(448)	(85)	(872)	(160)	(84)	8
Tekjuskattur	(67)	(1)	(2)	22	196	(4)
(Tap) hagnaður tímabilsins	(515)	(86)	(874)	(138)	112	4
Rekstrarliðir færðir beint á eigið fé	19	(14)	12	(11)	9	1
(Heildartap) –hagnaður tímabilsins	(496)	(100)	(862)	(149)	121	5
EBITDA	38	71	125	(4)	146	125

- Sala á vöru og þjónustu nam 3.715 mkr á fjórða ársfjórðungi 2013 samanborið við 3.622 mkr á sama tímabili árið 2012 og hækkar um 93 mkr
- EBITDA var 38 mkr á fjórða ársfjórðungi 2013 samanborið við 146 mkr EBITDA á sama tímabili árið 2012
- EBITDA á fjórða ársfjórðungi án einskiptiskostnaðar var 98 mkr
- Virðisrýrnun viðskiptavildar á fjórða ársfjórðungi var 367 mkr

Nýherji innanlands: Afkoma jákvæð en undir væntingum

Rekstrartekjur hjá Nýherja innanlands á fjórða ársfjórðungi voru hærri en á sama tíma í fyrra. Bæði var vörusala og sala á lausnum meiri en árið á undan, en sala neytendavöru var undir áætlunum.

Meðal nýrra langtímasamninga á fjórða ársfjórðungi má nefna innleiðingu á Rent A Prent prentþjónustu hjá Ölgerðinni, notendabjónustusamningur við Vátryggingafélag Íslands (VÍS) og samningur um alrekstur hjá Kaffitár, Saga Medica og Airport Associates. Þá var samið við Icelandair um kaup og alrekstur á nýjum og afar öflugum miðlægum vél- og hugbúnaðarinnviðum.

Þegar horft er yfir árið 2013 var ágæt eftirspurn eftir IBM kjarnalausnum og mikill vöxtur í sölu á Lenovo, bæði til fyrirtækja og einstaklinga. Góður vöxtur var í hljóð- og myndlausnum og aukin eftirspurn eftir skýlausnum. Ágæt eftirspurn var eftir tækniþjónustu hjá Nýherja hf., allt frá alrekstri til afmarkaðrar þjónustu á borð við kerfisveitu, Rent A Prent prentlausna, öryggislausna, samskiptalausna og rekstri sýndarútsöðva og netþjóna. Afkoma félagsins á árinu 2013 var jákvæð en lakari en áætlanir gerðu ráð fyrir.

Áframhaldandi vöxtur í erlendum tekjum TM Software

Rekstur TM Software ehf. gekk vel á árinu en velta fyrirtækisins jókst um 25%. Aukning í erlendum tekjum var 70% en þær voru 40% af heildartekjum fyrirtækisins. Góður vöxtur var í sérhæfðum hugbúnaðarverkefnum á Íslandi og þá helst fyrir fyrirtæki og stofnanir í heilbrigðis- og ferðamannageiranum. Hugbúnaðarlausnir fyrirtækisins, Tempo, sem eru seldar á alþjóðlegum markaði halda áfram að seljast vel og eru yfir 5 þúsund fyrirtæki sem notfæra sér hugbúnaðinn í 111 löndum. Meðal viðskiptavina eru fyrirtæki eins og MTV, AT&T, ebay, Oracle, Samsung og amazon.com. Afkoma TM Software var samkvæmt áætlun og horfur fyrir árið 2014 eru góðar. Gert er ráð fyrir því að erlendar tekjur haldi áfram að aukast og verði stöðugt herra hlutfall af heildarveltu TM Software.

Jákvæð afkoma Applicon á Íslandi

Afkoma af rekstri Applicon ehf. á Íslandi var yfir áætlunum á árinu 2013 og töluvert betri en árið á undan. Félagið vann á árinu að fjölbreyttum verkefnum hérlandis sem erlendis, en eitt stærsta verkefnið var innleiðing með Applicon AB í Svíþjóð á SAP bankalausn fyrir sænska bankann Landshypotek. Einnig má nefna sölu og innleiðingu á samstæðuuppgjör- og áætlunarkerfi (SAP BPC) fyrir íslensk fyrirtæki, þ.m.t. Íslandsbanka, Landsbanka og Símann. Einnig var innleitt í fyrsta skipti nýtt mannauðs- og frammistöðumatkerfi, Succes Factors, fyrir Landsvirkjun, að öllu leyti hýst í skýþjónustu. Applicon hlaut á árinu verðlaun frá SAP í alþjóðlegri nýsköpunarsamkeppni, en tillaga Applicon byggði á „in-memory“ gagnagrunni SAP sem er hluti af framtíðarlausn fyrir fjármálafyrirtæki. Vöxtur var á sviði hugbúnaðarsölu og þjónustu sem mun skila traustum tekjum til framtíðar.

Tekjusamdráttur og tap hjá Applicon í Danmörku

Tekjur Applicon A/S í Danmörku drógust verulega saman á árinu og áframhaldandi tap varð af rekstri. Óviðunandi afkomu félagsins má fyrst og fremst rekja til verkefnafæðar og minnkandi nýtingar ráðgjafa. Vegna erfiðra rekstrarskilyrða og neikvæðrar afkomu félagsins var viðskiptavild færð niður um 1.102 mkr á árinu. Félagið hefur verið sett í söluférlu og er gert ráð fyrir niðurstöðu á fyrsta ársfjórðungi 2014.

Dansupport A/S selt

Rekstur Dansupport A/S í Danmörku gekk vel á árinu en Nýherji seldi félagið til Jansson Kommunikation A/S í lok árs 2013. Salan er í takt við breyttar áherslur í starfsemi Nýherja, sem miða að því að efla þjónustu- og lausnaframboð á sviði upplýsingatækni á íslenskum fyrirtækjamarkaði. Salan hefur óveruleg áhrif á rekstrarreikning ársins og efnahagur Dansupport er ekki hluti af efnahagsreikningi samstæðunnar í lok árs 2013.

Jákvæður viðsnúningur í Svíþjóð

Viðsnúningur varð í rekstri Applicon AB í Svíþjóð á seinni helmingi árs 2013 og er það einkum vegna skila á kostnaðarsömu verkefni fyrir Landshypotek bankann um mitt árið. Síðan þá hefur nýting ráðgjafa verið góð og vægi tekjuberandi verkefna mun meira. EBITDA á seinni helmingi árs var jákvæð og eru horfur til þess að svo verði áfram. Ágæt eftirspurn var eftir þjónustu ráðgjafa hjá Applicon AB á árinu og verkefnastaða mjög góð. Eftirspurn eftir lausnum og þjónustu er meiri en félagið getur annað og því er gert ráð fyrir nokkurri fjölgun ráðgjafa á árinu 2014. Samstarf Applicon félaganna í Svíþjóð og á Íslandi skilaði mjög góðum árangri á árinu.

Horfur

Horfur í rekstri Nýherjasamstæðunnar eru almennt góðar á næstu misserum. Enn er uppsöfnuð þörf fyrir fjárfestingar í upplýsingatækni hjá íslenskum fyrirtækjum í mörgum geirum atvinnulífs. Nýherji er vel búinn til að mæta þessum þörfum með fjölbreyttu vöru- og þjónustuframboði og færni í lausnaþróun sem byggir á þekkingu Nýherja og dótturfélaga. Sérstaklega er horft til aukinnar eftirspurnar eftir rekstrarþjónustu, lausnum í skýþjónustu, þjónustu við snjalltæki og öryggi upplýsingakerfa. Rekstur dótturfélaga Nýherja gengur vel og hefur fjárfesting í hugbúnaðarþróun, einkum hjá TM Software, skilað sér í framúrskarandi lausnum sem gert er ráð fyrir að standi undir töluverðum vexti erlendra tekna á næstu árum.

Á síðustu mánuðum hefur verið unnið að stefnumótun og endurskilgreiningu á megináherslum Nýherja samstæðunnar. Markmiðið með slíkri vinnu er að skapa skarpari sýn á grunnstoðir félagsins og þá markaði, viðskiptavinum og lausnir sem áhersla verður lögð á til næstu ára. Sala á Dansupport A/S í lok árs 2013 og sú ákvörðun að setja Applicon A/S í Danmörku í söluferli er í takti við breyttar áherslur í starfsemi Nýherja. Þær miða að því að einfalda rekstur, efla þjónustu- og lausnaframboð á sviði upplýsingatækni á íslenskum fyrirtækjamarkaði og bjóða sérhæfðar lausnir til sölu á erlendum mörkuðum.

Horfur fyrir innlend félög samstæðunnar eru góðar og það sama má segja um horfur hjá Applicon AB í Svíþjóð þar sem vaxandi eftirspurn er eftir þjónustu og lausnum félagsins og töluverð samlegð við starfsemi Applicon á Íslandi.

Hluthafar

Markaðsvirði fyrirtækisins í lok desember var 1.460 mkr. Lokaverð 31. desember 2013 var kr. 3,65 á hlut. Hæsta lokaverð á fjórða ársfjórðungi 2013 var kr. 3,65 á hlut meðan lægsta verð var kr. 2,90 á hlut. Fjöldi útgefinna hluta þann 31. desember 2013 voru 400.000.000. Viðskipti með félagið í fjórðungnum námu 68 mkr að markaðsvirði.

Kynningarfundur þann 3. mars

Kynningarfundur fyrir fjárfesta og markaðsaðila verður haldinn mánudaginn 3. mars 2014 í höfuðstöðvum félagsins að Borgartúni 37 í Reykjavík og hefst hann kl. 08:30. Finnur Oddsson forstjóri mun kynna afkomu félagsins. Hægt verður að nálgast kynningarefni fundarins að honum loknum á heimasíðu félagsins, www.nyherji.is.

Fjárhagsdagatal fyrir 2014:

28. febrúar 2014: Ársuppgjör ársins 2013
14. mars 2014: Aðalfundur ársins 2013
30. apríl 2014: Uppgjör 1. ársfjórðungs ársins 2014
25. júlí 2014: Uppgjör 2. ársfjórðungs og fyrstu sex mánaða ársins 2014
24. október 2014: Uppgjör 3. ársfjórðungs og fyrstu níu mánaða ársins 2014
30. janúar 2015: Uppgjör 4. ársfjórðungs og ársins 2014
13. febrúar 2015: Aðalfundur ársins 2014

Samþykkt ársreiknings

Ársreikningur var samþykktur á stjórnarfundum Nýherja hf. þann 28. febrúar 2014. Ársreikningur Nýherja hf. er í samræmi við alþjóðlega reikningsskilastaðla (IFRS-International Financial Reporting Standards). Ársreikningurinn er endurskoðaður af KPMG, endurskoðendum félagsins. Aðalfundur Nýherja hf. verður haldinn föstudaginn 14. mars næstkomandi kl. 16:00 að Borgartúni 37, Reykjavík.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Stöðugildi hjá Nýherjasamstæðunni voru 501 í lok desember. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Stjórn Nýherja: Benedikt Jóhannesson, stjórnarformaður, Guðmundur Jóh. Jónsson, Guðrún Ragnarsdóttir, Hildur Dungal og Marta Kristín Lárusdóttir. Finnur Oddsson er forstjóri Nýherja.

Nánari upplýsingar veita Finnur Oddsson, forstjóri, (fo@nyherji.is) og Gunnar Petersen, framkvæmdastjóri fjármálasviðs (gunnar.petersen@nyherji.is)

Til athugunar fyrir fjárfesta

Nýherji vekur athygli á því að staðhæfingar sem finna má í þessari fréttatilkynningu kunna að vera byggðar á mati og áætlunum stjórnenda félagsins en ekki á staðreyndum sem hægt er að sannreyna af birtingu tilkynningarinnar. Eðli málsins samkvæmt fela slíkar staðhæfingar í sér óvissu. Athygli fjárfesta er vakin á því að margir þættir geta haft þau áhrif að rekstrarumhverfi félagsins og afkoma verði með öðrum hætti en forsendur gera ráð fyrir í tilkynningunni. Þessi tilkynning verður ekki endurskoðuð eftir birtingu hvað þetta varðar. Staðhæfingar sem finna má í þessari fréttatilkynningu gilda eingöngu á því tímamarki þegar fréttatilkynningin er birt og takmarkast gildi þeirra við það sem segir í fyrirvara þessum.